

Menntaskóli í tónlist ses.

Kjartan Óskarsson, skólastjóri
Skipholti 33
105 Reykjavík

Kópavogi, 29. júní 2020

Tilvísun: 2020-7176

Efni: Viðurkenning einkaskóla á framhaldsskólastigi til eins árs.

Vísað er til umsóknar dagsett 2. mars 2020 þar sem sótt er um viðurkenningu sem einkaskóli á framhaldsskólastigi.

Samkvæmt III. kafla laga um framhaldsskóla, nr. 92/2008 getur mennta- og menningarmálaráðherra veitt skólum, öðrum en opinberum framhaldsskólum, viðurkenningu til kennslu á framhaldsskólastigi. Í slíkri viðurkenningu felst staðfesting á því að starfsemi skóla uppfylli, á þeim tíma sem viðurkenningin er veitt, almenn skilyrði laganna og reglna sem settar eru með stoð í þeim. Reglugerð um viðurkenningu einkaskóla á framhaldsskólastigi nr. 426/2010 var sett 11. maí 2010.

Viðurkenning felur hvorki í sér vilyrði um framlög né fjárskuldbindingu af hálfu ríkissjóðs. Hún veitir nemendum skólangs ekki sjálfkrafa rétt til fyrirgreiðslu úr Lánaþjóði íslenskra námsmanna. Skólinn ber sjálfur alla ábyrgð á eigin skuldbindingum og starfsemi.

Skólanum ber, skv. 3. grein reglugerðar um viðurkenningu einkaskóla á framhaldsskólastigi, nr. 426/2010, að senda Menntamálstofnun árlega skýrslu um starfsemina og veita henni allar umbeðnar upplýsingar um rekstur og starfsemi þegar þess er óskað. Um skóla- og kennarafundi skal fara samkvæmt ákvæðum 9. og 10. gr. laga um framhaldsskóla. Skólinn skal hafa frumkvæði að því að upplýsa Menntamálstofnun án tafar um breytingar sem kunna að verða á starfsemi eða aðstöðu hans sem viðurkenning þessi byggir á. Uppfylli skólinn ekki lengur skilyrði laga, nr. 92/2008, um framhaldsskóla eða fyrimæli sett samkvæmt þeim, getur ráðherra afturkallað viðurkenninguna. Ósk um endurnýjun viðurkenningar þessarar þarf að berast Menntamálstofnun ásamt fullnægjandi gögnum a.m.k. þremur mánuðum áður en hún rennur út.

Menntamálstofnun hefur metið skólanámskrá og önnur framlögð gögn um starfsemi Menntaskóla í tónlist ses. Gögnin voru borin saman við lög um framhaldsskóla, reglugerð um viðurkenningu einkaskóla á framhaldsskólastigi og almennan hluta aðalnámskrár framhaldsskóla. Meðal atriða sem metin eru sérstaklega eru rekstrarform, markmið náms og markhópur nemenda, skólanámskrá (með hliðsjón af starfsháttum, skipulagi náms, inntökuskilyrðum, réttindum og skyldum nemenda o.fl.), námsbrautarlýsingar, staðfesting á fjárhagslegri ábyrgð og rekstraröryggi, menntun og kjör starfsfólks og starfsaðstaða.

Á grundvelli þess sem að framan greinir veitir Menntamálstofnun hér með Menntaskóla í tónlist ses. kt. 560916-0510, viðurkenningu til kennslu á framhaldsskólastigi til eins árs frá dagsetningu þessa bréfs. Viðurkenningin grundvallast á skólanámskrá Menntaskóla í tónlist ses. og tekur til kennslu námsbrauta með námslok: 7 – Aðrar brautir til stúdentsprófs á 3. þrepi og 9 – Önnur lokapróf á 3. þrepi.

Viðurkenningin byggir á því að kennsla fari fram í húsnæði skólans að Rauðagerði 27 og Skipholti 33 í Reykjavík eins og því er lýst í umsókn, sem hefur verið tekið út og samþykkt af heilbrigðiseftirliti og yfirvöldum brunamála. Jafnframt byggir hún á því að starfsemi skólans fari fram samkvæmt þeim forsendum og skilyrðum sem rakin eru í umsókn.

Viðurkenningin er veitt til eins árs á grundvelli yfirlýsingar stjórnar og skólastjóra Menntaskóla í tónlist ses. Þess efnis að rekstur skólans sé í jafnvægi samkvæmt fyrilliggjandi rekstraráætlunum og að stjórnin telji sig hafa tryggt að svo verði áfram. Við mat á endurnýjun viðurkenningar þessarar verður sérstaklega litið til þess hvernig tekist hefur að tryggja rekstraröryggi Menntaskóla í tónlist ses.

Með þessari viðurkenningu er staðfest að Menntaskóli í tónlist ses. uppfylli viðmið til þess að kenna eftir staðfestum námsbrautarlýsingum:

Klassísk tónlistarbraut (16-227-3-9)

Popplína (20-460-3-9)


Rytmísk tónlistarbraut (16-225-3-9)

Rytmísk tónlistarbraut-popplína (20-459-3-7)

Tónlistarbraut-klassísk (16-222-3-7)

Tónlistarbraut-rytmísk (16-223-3-7)

Skólinn skal birta viðurkenningarbréf þetta ásamt skólanámskrá, verðskrá og gjaldtökureglum á vef sínum. Menntamálastofnun áskilur sér rétt til að birta viðurkenningarbréf þetta á vef sínum ásamt skólanámskrá Menntaskóla í tónlist ses.



Arnór Guðmundsson, forstjóri